

四庫類書叢刊

淵

鑑

類

函

二

四庫類書叢刊

淵鑑類函

(清)張英
王士禎等奉敕撰

(一一)

上海古籍出版社

欽定四庫全書

御定淵鑑類函卷四十

帝王部一 帝王總載

帝王總載一

增易乾大象曰夫大人者與天地合其德與日月合其明與四時合其序與鬼神合其吉凶先天而天弗違後天而奉天時 易泰大象曰后以財成天地之道輔相天地之宜以左右民 書太甲曰一人元良萬邦以貞

欽定四庫全書

御定淵鑑類函卷四十

周書泰誓曰亶聰明作元后元后作民父母 書洪

詳校官宗人府丞臣寶常
主事臣祁韻士覆勘

總校官檢討臣何思鈞

校對官庶吉士臣張九鐔

謄錄監生臣龍翔

配天地兼利萬物與日月並明明照四海而不遺微小其在朝廷則道仁聖禮義之序燕處則聽雅頌之音行步則有環珮之聲升車則有鸞和之音居處有禮進退有度百官得其宜萬事得其序 增左傳臧哀伯曰君

人者將昭德塞違以照臨百官猶懼或失之故昭令德以示子孫是以清廟茅屋大路越席大羹不致菜食不鑿昭其儉也衮冕黻珽帶裳幅舄衡紘紃紼昭其度也藻率鞞鞞鴈游纓昭其數也火龍黼黻昭其文也五色比象昭其物也錫鸞和鈴昭其聲也三辰旂旗昭其明也夫德儉而有度登降有數文物以紀之聲明以發之以照臨百官百官於是乎戒懼而不敢易紀律家語曰季康子問於孔子曰何謂五帝孔子曰天有五

欽定四庫全書

御文淵閣
卷四十一

二

水火金木土分時化育以成萬物其神謂之五帝古之王者易代而改號取法五行更王終始相生亦象其義是以太昊配木以木德王於天下色尚青炎帝配火以火德王於天下色尚赤黃帝配土以土德王於天下色尚黃少昊配金以金德王於天下色尚白顓頊配水以水德王於天下色尚黑 易緯曰帝者天號也德配天地不私公位稱之曰帝天子者繼天治物改正一統各得其宜父天母地以養人至尊之號也大君者君人之

欽定四庫全書

御文淵閣
卷四十一

三

盛也 易書大傳曰天立五帝以為相四時施生法度明察春夏慶賞秋冬刑罰帝者任德設刑以象之言能行天道舉措審諦也 書正義曰帝者天之一名帝者諦也言天蕩然無心忘於物我公平通遠舉事審諦故謂之帝也五帝道同於此亦能審諦故取其名 原尚書刑德考曰帝者天號也王者人稱也天有五帝以立名人有三王以正度天子爵稱也皇者煌煌也 韓詩外傳曰君者何曰羣也敢羣天下萬物而除其害者謂之君 禮斗威儀曰帝者得其根核王者得其莖華霸者得其附枝故帝道不行不能王王道不行不能霸霸道不行不能守其身 增春秋運斗樞曰皇者天天不言四時行焉百物生焉三皇垂拱無為設言而民不違道德元泊有似皇天故稱曰皇皇者中也光也弘也含弘履中開陰布綱上合皇極其施光明指天畫地神化潛通煌煌盛美不可勝量 原春秋演孔圖曰正氣為帝間氣為臣秀氣為人 春秋考耀文曰王者往也人

所輸向人所樂歸 春秋繁露曰德侔天地者稱皇帝
天祐而子之稱天子 增孝經鈎命訣曰三皇步五帝
驟三王馳五霸騫接上稱天子明以爵事天接下稱帝
王明以號令臣下 原白虎通曰帝王者號也號者功
之表也所以表功明德號令臣下也 蔡邕獨斷曰上
者尊位所在也太史令司馬遷記事當言帝則依違之
但言上不敢泄瀆言尊號者尊王之義也乘輿出於律
文曰鼓盜乘輿服御物謂天子所服食者也天子至尊
欽定四庫全書 御定四庫全書 卷四十五

不敢泄瀆言之故託於乘輿也天子以天下為家不以
京師宮室為常處常乘輿以行天下或謂之車駕天子
自謂行在所今雖在京師言在所行也巡狩天下所奏
事處皆為宮在長安則曰長安宮在泰山則曰泰山宮
唯當時所在 增蔡邕曰稱朕古者上下共之皐陶與
帝舜言稱朕屈原曰朕皇考至秦獨以為尊稱漢遂因
之而不改也 獨斷曰陛階也所由升堂也天子必有
近臣執兵陳於陛以戒不虞謂之陛下者羣臣與天子

言不敢指斥稱天子故呼在陛下而告之因卑達尊之
義也 獨斷曰百官小吏稱天子曰天家天子無外以
天下為家故稱天家 原六韜曰王者之道如龍之首
高居遠望深視而審聽神其形而散其精若天高而不
可極若川深而不可測故可怒而不可怒臣乃為虎可
殺而不殺大賊乃發兵勢不行敵國乃強 增又曰昔
者帝堯之王天下金銀珠玉不飾錦繡文綺不衣奇怪
珍異不視玩好之器不寶滛佚之樂不聽宮垣屋室不

聖覺摘椽楹不斷茅茨編庭不剪鹿裘禦寒布衣掩形
糲梁之飯藜藿之羹不以役作之故害民耕織之時削
心約志從事乎無為吏忠正奉法者尊其位廉潔愛人
者厚其祿民有孝慈者愛敬之盡力農桑者慰勉之旌
別淑慝表其門閭平心正節以法度禁邪偽所憎者有
功必賞所愛者有罪必誅育養天下鰥寡孤獨振贍禍
亡之家其自奉也甚薄其賦役也甚寡故萬民富樂而
無饑寒之色百姓戴其君如日月親其君如父母 老

子曰道天大地大王亦大域中有四大而王居其一焉 文子曰昔者聖人仰取象於天俯取度於地中取法於人調陰陽之氣和四時之節察陵陸水澤肥瘠高下之宜以立事生財除饑寒之患辟疾疫之灾中受人事以制禮樂行仁義之道以治人倫列金木水火土之性以立父子之親而成家聽五音清濁六律相生之數以立君臣之義而成國察四時孟仲季之序以立長幼之節而成官列地而州之分國而治之立大學以教之

欽定四庫全書

內定淵鑑類品
卷四十一

六

此治之綱紀也得道則舉失道則廢 又曰夫人君不出戶而知天下者因物以識物因人以知人故積力之所舉即無不勝也衆智之所為即無不成也千人之衆無絕糧萬人之羣無廢功 原管子曰明一者皇察道者帝通德者王謀得兵勝者霸 又曰黃帝立明堂之議上觀於賢也堯有衢室之問下聽於民也舜有告善之旌而主不蔽也禹立諫鼓於朝而備訊也湯有總街之廷觀民非也武王有靈臺之宮賢者進也此古聖帝

明王所以有而勿失得而勿止也 增莊子曰夫帝王之德以天下為宗以道德為主以無為為常無為也則用天下而有餘有為也則為天下用而不足 莊子注至人不役志以經世而虛心以應物誠信著於天地不爭暢於萬物然後萬物歸懷天地不逆故德音發而天下響會景行彰而六合俱應而後始可以經寒暑涉治亂而不與逆忤也 鄧析子曰勢者君之興成者君之策臣者君之馬民者君之輪勢固則興安威定則策勁

欽定四庫全書

內定淵鑑類品
卷四十二

七

臣順則馬良民和則輪利為國失此必有覆車奔馬折輪敗載之患 原韓子曰明王制其臣下者二柄而已矣二者刑德也殺戮之謂刑慶賞之謂德 增韓非子曰君無見其所欲君見其所欲臣將自彫琢君無見其意君見其意臣將自表異 原孫卿子曰人主者守至約而詳事見狹而切垂衣裳不下簞席之上而海內之民莫不願得以為帝王 董子曰古之人造文字者三畫而連其中謂之王三畫者天地與人也連中者通其

道也取天地與人之才而參之非王者孰能當尸

子曰孔子曰商汝知君之為君乎子夏曰魚失水則死

水失魚猶為水也孔子曰商知之矣呂氏春秋曰始

生者天也養成者人也能養天之所生而為天子又

曰五帝先道而後德故德莫盛焉三王先德而後事故

事莫功焉五霸先事而後兵故兵莫強焉淮南子曰

帝者體太一王者法陰陽霸者則四時君者應六律體

太一者牢籠天地彈壓山川含吐陰陽中洩四時紀綱

欽定四庫全書

御定四庫全書

八

八極經緯六合覆露照導普范而無私翮飛蠕動莫不

仰德而生法陰陽者承天地之和形萬類之體含氣化

物以成形類則四時者春生夏長秋收冬藏取與有節

出入有時開闔張歛不失其序喜怒剛柔不離其理用

六律者生之與殺也賞之與罰也予之與奪也非此無

道又曰人主者以天下之目視以天下之耳聽以天

下之智慮以天下之力動是故號令能下究而臣情得

上聞百官修道羣臣輻輳喜不以賞賜怒不以罪誅

增又曰人主之術處無為之事而行不言之教清靜而

不動一度而不搖因循而任下責成而不勞是故心知

規而師傳諭導口能言而行人稱辭足能行而相者先

導耳能聽而執政進諫是故慮無失策謀無過事言為

文章行為儀表於天下又曰古之王者冕而前旒所

以蔽明也黈纁塞耳所以掩聰也天子外屏所以自障

也故所理者遠則所在者過所治者大則所守者少

董仲舒曰天者羣物之祖也故徧覆包含而無所殊建

欽定四庫全書

御定四庫全書

九

日月風雨以和之經陰陽寒暑以成之故聖人法天而

立道亦溥愛而無私布德施仁以厚之設義存禮以導

之春者天之所以生也仁者君之所以愛也夏者天之

所以長也德者君之所以養也霜者天之所以殺也刑

者君之所以罰也由是言之天人之徵古今之道也

董子曰為人君者正心以正朝廷正朝廷以正百官正

百官以正萬民正萬民以正四方四方正遠近莫不一

於正而無有邪氣奸其間者是以陰陽調而風雨時羣

生和而萬民殖五穀熟而草木茂天地之間被潤澤而大豐美四海之內聞盛德而皆來臣諸福之物可致之祥莫不畢至而王道終矣 說苑齊宣王謂尹文曰人君之事何如尹文對曰人君之事無為而能容下夫事寡易從法省易因故民不以政獲罪也大道容衆大德容下聖人寡為而天下理矣 桓譚新論曰夫上古稱三皇五帝而次有三王五霸此皆天下君之冠首也故言三皇以道治五帝用德化三王由仁義五霸以權智其說曰無制令刑罰謂之皇有制令而無刑罰謂之帝賞善誅惡諸侯朝事謂之王興兵約盟以信義矯世謂之霸王者往也言其惠澤優將天下歸往也王道純粹其德如彼霸道駁雜其功如此俱有天下而君萬民垂統子孫其實一也 文中子閻朗曰聖人輔相天地準繩陰陽恢皇綱立人極修策迥馭長羅遠駕昭治亂於未然算成敗於無兆 原帝王世紀曰孔子稱天子之德感天地洞八方是以化合神者稱皇德合天地者稱

帝仁義合者稱王 又曰禮稱至道以王義道以霸觀高祖之取天下也遭秦暴亂不階尺寸之資不握將相之柄發迹泗亭奮其智謀銜勒英雄鞭驅天下或以德致或以義成事以權斷順逆不常霸王之道離焉是以居帝王之位而無一定之制三代之美固難及矣 增前漢東方朔曰本仁祖義褒有德錄賢能誅惡亂總遠方一統類美風俗此帝王所由昌也 漢刑法志曰天子畿方千里提封百萬井定出賦六十四萬井戎馬四萬匹兵車萬乘故稱萬乘之主 宋志曰夫體睿窮幾含靈獨秀謂之聖人所以能君四海而役萬物使動植之類莫不各得其所百姓仰之懼若親戚芳若椒蘭故為旗章輿服以崇之王璽黃屋以尊之以神器之重推之於兆民之上自中智以降則萬物之為役者也 原宋王九辨曰君之門以九重 增班固答賓戲曰其君天下也炎之如日威之如神涵之如海養之如春譬猶草木之植山林鳥魚之毓川澤參天地而施化豈云人

事之厚薄哉 原漢雜事錄曰古者天子稱皇其次稱王秦承百王之末為漢驅除自以德兼三皇五帝故并為號 增漢雜事錄曰漢有天下號曰皇帝自稱朕人臣稱之曰陛下其命令曰制詔衣冠車馬器械百物曰乘輿所在曰行在所至曰幸所居曰某禁中所進曰御風俗通曰易稱天先春而後秋地先生而後凋日月先光而後幽是以王者則之亦先教而後刑三皇結繩五帝畫像三王肉刑五霸黠巧此言步驟稍有優劣也

欽定四庫全書

御定四庫全書

十三

蔣濟萬機論曰五帝官天下故傳之賢三王家天下故傳之子今指天子為官家則猶言帝王也 資暇集曰至尊以天下為宅四海為家故曰宅家 唐書太宗曰人主惟有一心而攻之者甚眾或以勇力或以辯口或以諂諛或以奸詐或以嗜欲輻輳攻之各求自售以取寵祿人主少懈而受其一則危亡隨之此其所以難也 魏徵曰求木之長者必固其根本欲流之遠者必浚其泉源思國之安者必積其德義源不深而望流之

遠根不固而求木之長德不厚而思國之安臣雖至愚知其不可而況於明哲乎凡昔元首承天景命善始者實繁克終者蓋寡豈取之易守之難乎蓋在殷憂必竭誠以待下既得志則縱情以傲物竭誠則吳越為一體傲物則骨肉為行路怨不在大可畏惟人載舟覆舟所宜深戒誠能見可欲則思知足以自戒將有作則思知止以安人念高危則思謙沖而自牧懼滿盈則思江海下百川樂盤遊則思三驅以為度憂懈怠則思慎始而

欽定四庫全書

御定四庫全書

十三

敬終慮雍蔽則思虛心以納下懼讒邪則思正身以黜惡恩所加則思無因喜以謬賞罰所及則思無以怒而濫刑總此十思弘茲九德簡能而任之擇善而從之文武並用垂拱而治何必神勞苦思代百司之職役哉 陸贄曰愚智兼納洪纖靡遺蓋之如天容之如地垂旒黈纁而絀其聰察匿瑕藏疾而務於包容不示威而人畏之如雷霆不用明而人仰之如日月此天子之德也 司馬光曰人君太德有三曰仁曰明曰武仁者非嫗

煦姑息之謂也興教化修政治養百姓利萬物此人君之仁也明者非煩苛伺察之謂也知道詛識安危別賢愚辨是非此人君之明也武者非強亢暴戾之謂也唯道所存斷之無疑奸不能惑佞不能移此人君之武也

蘇軾曰人君以至誠為道以至仁為德守此二言終

身不易堯舜之至也何謂至誠上自大臣下至小民內自親戚外至四夷皆推赤心以待之不可以絲毫偽也絲毫之偽一萌於心如人有病先見於脈如人飲酒先

欽定四庫全書

御定淵鑑類函
卷四十

十四

見於色聲色動於幾微之間而猜阻行於千里之外矣何謂至仁親臣如手足視民如赤子戢兵省刑時使薄斂行此六事而已 程子曰君道之大在乎稽古正學明善惡之歸辨忠邪之分曉然趨道之至正又在乎君志先定君志定而天下之志成矣夫義理不先定則多聽而易惑志意不先定則守善而或移惟在以聖人之訓為必當從以先王之治為必可法不為後世駁雜之政所牽滯不為流俗因循之論所遷改信道極於篤自

知極於明去邪勿疑任賢勿貳必期致治於三代之隆而後已也然天下之事患嘗生於忽微而志亦戒乎漸習故古之人君雖從容燕閒必有訓誦箴諫左右前後罔匪正人所以輔成德業誠能尊禮老成訪求儒學之士不勞以官職俾日親便坐講論道義又博訪俊彥陪侍法從朝夕延見講磨治體則睿知益明王猷允塞

朱子曰天子至尊無上其居處則內有六寢六宮外有三朝五門其嬪御侍從飲食衣服貨賄之官皆領於家

欽定四庫全書

御定淵鑑類函
卷四十

十五

宰其冕弁車旗宗祀巫史卜筮瞽侑之官皆領於宗伯有師以道之教訓有傳以傳其德義有保以保其身體有師氏以徽詔之有保氏以諫其惡前有疑後有丞左有輔右有弼其侍御僕從罔匪正人以旦夕承弼厥辟出入起居罔有不欽發號施令罔有不臧在輿有旅賁之規位宁有官司之典倚几有訓誦之諫居寢有瞽御之規臨事有瞽史之道寓居有工師之誦史有書瞽奏詩工誦箴諫大夫規誨士傳言庶人謗商旅議於市百

工獻藝動則左史書之言則右史書之御替幾聲之上
下不幸而至於有過則又有諍臣七人面折廷爭以正
救之蓋所以養之備至於如此是以恭己南面中心無
為以守至正而貌之恭足以作肅言之從足以作又視
之明足以作哲聽之聰足以作謀思之睿足以作聖然
後能以八柄馭羣臣以八統馭萬民而賞無不慶刑無
不威遠無不至過無不服 胡寅曰人君為天之子而
居天位必有天德何謂天德剛健中正純粹是也剛則

欽定四庫全書

御定詞苑類書
卷四十一

十一

不屈健則不息中則不倚正則不邪純則不已粹則不
離具此六者天德全矣德既與天並位又以天居其在
天下之賢人則視其德之大小器之深淺列於庶位使
之代天工治天職食天祿以覆四海則五典敦而天序
建五禮庸而天秩行五刑用而天罰當山川攸寧鳥獸
若草木裕四民安業夷狄賓服而天德之施與天同功
天子之能事畢矣 真德秀曰人君以一身履至尊之
位四方輻輳面內而環向之此天下之至中既居天下

之至中則必有天下之絕德而後可以立至極之標準
故必順五行敬五事以修其身厚八政協五紀以齊其
政然後至極之標準卓然有以立乎天下之至中使夫
面內而環觀者莫不於此取則焉是則所謂皇極者也
又曰先聖贊易於乾曰君子以自強不息謂其體天
之剛健也於坤曰君子以厚德載物謂其法地之博厚
也不體乎乾無以宰萬物不法乎坤無以容萬物 揚
萬里曰六合塵清四海波靜高堂拱堯舜之君重席坐

欽定四庫全書

御定詞苑類書
卷四十一

十一

皐夔之佐刑措而日轉棠陰兵寢而風清紫塞以上治
則四時調於玉燭而五星協於珠囊以下治則嘉禾為
之擢秀而醴泉為之薦祉以內治則家為詩書戶為禮
樂以外治則邊亭不鼓烽燧不煙太平極治之效超三
軌五絕遠光前矣

帝王總裁二

原天皇顓跂始學篇曰天地立有天皇十三頭號天靈
各萬八千歲 洞冥記曰一姓十三人也徐整三五歷紀
云歲起攝提元氣肇有神靈一人有十三

頭號天皇春秋緯云天皇地皇人皇兄弟九人分九州長天下也適中開山圖曰天皇被跡在桂州荒島山下

地皇始學篇曰地皇十一頭各八千歲通中開山圖曰地皇興於

龍門熊耳山人皇始學篇曰人皇九頭兄弟各三百歲依

山川土地之勢財度為九州各居其一方因是而區別

崇氏云人皇兄弟九人生於荆馬山身九色有巢氏始學篇曰上古皆穴

處有聖人教之巢居號大巢氏皇甫謐以為有巢在女

石樓山在瑯琊昔燧人氏尚書大傳曰燧人為燧皇

以火紀官禮合文嘉曰燧人始鑽木取火地生為太

欽定四庫全書御定四庫全書

吳庖犧氏帝王世紀曰太昊帝庖犧氏風姓也蛇身人

首有聖德燧人氏沒庖犧代之繼天而王首德於木為

百王先帝出於震未有所以因故位在東方主春象日之

明是稱太昊都陳制嫁娶之禮取犧牲以充庖廚故號

庖犧氏是為犧皇後世音謬謂之伏羲或謂之密犧解

云處古伏字後誤以處為密故曰密犧左傳曰伏羲氏

以龍紀官拾遺記曰周易云伏羲俯仰三儀經綸萬象

表其德備於冥昧神化通於精粹是以圖書著其跡河洛

之義乃張禮樂帝女媧氏帝王世紀曰女媧氏亦風

姓也承庖犧制度亦蛇身人首一號女希是為女皇增

南子曰往古之時四極廢九州裂女媧鍊五色石以補

蒼天斷翬足以立四極蒼天補四極正考其功烈上條

九天下契黃墟名聲被後世光輝動萬物乘雷車駕應

龍騰青蚪授絕瑞席戴國黃雲絡繹白鳩後奔道屈神

知刑以強伯而不王以水承木非行次故易不載及女

媧氏沒次有大庾氏柏皇氏中央氏栗陸氏驪連氏赫

胥氏尊盧氏涇沈氏有巢氏朱襄氏葛天氏陰康氏無

稽氏凡十五世炎帝神農氏帝王世紀曰神農氏姜

姓也長於姜水有聖德以火承木位在南方主夏故謂

之炎帝都於陳在位百二十年而崩至榆罔凡八世合

欽定四庫全書御定四庫全書

五百三十年陸景輿語曰神農寄黃帝有熊氏帝王

世紀曰黃帝少典之子姬姓也生於壽丘長於姬水有

聖德受國於有熊居軒轅之丘故因以為名以土德王

有妃生二十五子在位百年而崩年百一十歲或傳以

為仙或言壽三百歲故宰我疑以問孔子孔子曰人賴

其利百年而崩人畏其神百年而亡人用其教百年而

移故曰三百年增孫綽子曰黃帝之遊天衢奏鈞天之

龍彭祖前驅松喬夾轡光景流而不見長風颭而不翼

發軔紫宮不索朝而臣六合也原封禪書黃帝得仙上

天羣臣莫其衣冠又帝王世紀曰或言壽三百歲墓於上郡陽周之橋山

少昊金天氏帝

王世紀曰少昊帝名摯字青陽姬姓也降居江水邑於

窮桑以登帝位都曲阜在位百年而崩古史考曰少昊以金德王故號

金天氏或曰宗師太

帝顓頊高陽氏帝王世紀曰顓

頊黃帝之孫昌意之子姬姓也生於弱水首戴干戈有

聖德二十登帝位以水承金位在北方主冬以水事紀

官始都窮桑後都商丘在位七十八年九十八歲又

使南正重司天以屬神北正黎司地以屬民於是神民不離萬物有序歲在鶉火而崩葬東鄉頓丘廣陽里

欽定四庫全書

御定淵鑑類函

卷四十

帝嚳高辛氏帝王世紀曰帝嚳姬姓也有聖德三十

而登帝位都亳以木承火在位七十年年一百五歲而

崩葬東郡頓丘廣陽里

陶弘景云在位六

帝堯陶唐

氏帝王世紀曰堯伊祁姓也從母姓伊祁氏受封於唐

年二十而登帝位以火承木都平陽凡堯即位九十八

年年一百一十八歲乃殂百姓如喪考妣三載四海遏

密八音

增後漢李固傳曰堯殂之後舜仰慕三年坐則見堯於牆食則見堯於羹原葬於濟陰之成陽

西北是

帝舜有虞氏帝王世紀曰舜姚姓也其先出

自顓頊顓頊生窮蟬窮蟬有子曰敬康敬康生句芒句

芒有子曰橋牛橋牛生瞽瞍瞽瞍妻曰握登生舜於姚

墟故姓姚氏名重華字都君有聖德始遷於負夏服於

頓丘債於傳虛家本冀州每徙則百姓歸之堯以二女

娥皇女英妻之

孟子曰堯之於舜也使其子九男事之

而加諸上位

耕於歷山之陽耕者讓畔漁於雷澤漁

者讓澗陶於河濱陶者器不窳堯於是乃命為司徒試

以五典舉八元八凱四惡降而天下咸服遂納於大麓

欽定四庫全書

御定淵鑑類函

卷四十

烈風雷雨弗迷堯乃命舜代已攝政明年五月帝始受

終文祖以太尉行事舜攝政二十八年而堯崩三年喪

畢舜八十一以仲冬甲子次於畢始即真以土承火色

尚黃以正月元日格於文祖申命九官十二牧以禹為

司徒舜年八十一即真八十三而薦禹九十五而使禹

攝政攝政五年有苗氏叛南征崩於鳴條殯以瓦棺葬

於蒼梧九疑山之陽是為零陵謂之紀市在今營道下

有羣象為之耕

尚書曰舜生三十登庸三十在位五十載陟方乃死孔安國註通服堯喪三年

其一共三十之數
凡壽百一十歲

伯禹帝夏后氏帝王世紀曰禹如

姓也其先出顓頊顓頊生鯀堯封為崇伯生禹於石紐

名文命字高密長於西羌西夷人也堯命以為司空繼

鯀治水十三年而洪水平堯美其績乃賜姓姒氏封為

夏伯故謂之伯禹天下宗之謂之大禹及堯崩舜復命

居故官禹年七十四舜始薦之於天薦後十二年舜老

始使禹代攝行天子事五年舜崩禹除舜喪明年始即

真以金承土都平陽武都安邑年百歲崩於會稽因葬

欽定四庫全書

御定四庫全書

主

會稽山陰之南今山上有禹塚并祠下有羣鳥芸田又

云禹葬衣衾三領桐棺三寸葛以繡之下不及泉上不

通晷既莫收餘壤為壠若參耕之畝始納塗山氏之女

生子啟即位皇甫謐云自禹至桀并數有窮凡十九王合四百三十二年禹一故二太康三仲康

四相五羿六寒浞七少康八杼九槐十芒十一泄十二降十三廌十四廬十五孔甲十六舉十七發十八桀十九

商殷帝王世紀曰殷出自帝嚳子姓也有聖德諸

侯不義者湯從而征之將伐桀先滅韋顧昆吾遂戰於

鳴條之野桀奔於南巢之山湯乃即天子之位以水承

金始居亳為天子十三年百歲而崩湯娶有莘氏女

為正妃生太子丁外丙仲壬太子早卒外丙代立皇甫謐云

商之饗國也三十一王自見居位者實三十五王而言三

十一也兼數太子丁也自湯得位至紂凡六百二十九

年成湯一外丙二仲壬三太甲四沃丁五太庚六小乙

七雍已八太戊九仲丁十外壬十一河亶甲十二祖甲

十三祖辛十四沃甲十五祖丁十六南庚十七陽甲十八

盤庚十九小辛二十小乙二十一武丁二十二祖庚二十三

祖甲二十四廩年二十五庚丁二十六武乙二十七太丁

二十八帝乙二十九紂三十商書曰成湯既

沒太甲元年孔安國註云太甲太丁子湯孫也太丁未

立而卒及湯沒而太甲立稱元年諡法殘義損善曰紂

敗於牧野懸首白旗從黃帝至紂三十六世紂二年

納妲己二十五年四文王三十年武王觀兵於孟津

欽定四庫全書

御定四庫全書

主

周帝王世紀曰周姬姓也文王始修政三年而天下二

分歸之入為紂三公年十五而生太子發文王九十七

而崩太子發代立是為武王武王二年觀兵於孟津之

上四年始伐殷為天子以木承水自鄴徙都鎬武王崩

年九十三尚書中候曰太子發以紂存三仁雖即位不稱王太子誦代立是

為成王春秋元命苞曰文王造之而未遂武王遂之而

未成周公旦總少主而成之故曰成王皇甫謐曰自起殷至秦滅周三

歲凡三十七王八百六十七年武王一成王二康王三

昭王四穆王五恭王六懿王七考王八夷王九厲王十

宣王十一歲王十二平王十三桓王十四莊王十五釐王十六惠王十七襄王十八頃王十九匡王二十定王二十一簡王二十二靈王二十三景王二十四悼王二十五敬王二十六元王二十七烈王二十八哀王二十九思王三十考王三十一威烈王三十二安王三十三烈王三十四顯王三十五慎觀王三十六赧王三十七

秦帝王世紀曰秦嬴姓也昔伯翳為舜主畜多故

賜姓嬴氏孝襄公始修霸業壞井田開阡陌天子命為

伯至昭襄王自稱西帝攻周廢赧王取九鼎至莊襄王

滅東西周莊襄王崩政立為始皇帝并天下置三十六

郡自以水德故以十月為正色尚黑使蒙恬築長城焚

欽定四庫全書

御定詞林典故 卷四十

詩書百家之言坑儒士四百六十人三十七年崩於沙

丘平堂年五十

皇甫謐云自昭襄王誠周至子嬰凡四王二帝合四十九年昭襄王一考文王

二莊襄王三始皇帝四胡亥五子嬰六又帝王世紀曰秦改錫曰武陽郡馬為漢驅除不求五運別以水德王

泰自始封至滅三十六世合六百五十年秦顯項之後也先世造父之為穆王御有功封之於趙城國為趙氏

也與簡子同祖嬴姓漢德大帝王世紀曰漢出自帝堯也秦亦在水火之間

劉姓也豐公生執嘉即太上皇也太上皇之妃曰媼是

為昭靈后生子邦字季是為漢高皇帝秦二世元年諸

侯叛秦沛人共立為沛公二年入武關至霸上秦王子

嬰降項羽自立為西楚霸王立沛公為漢王王巴蜀漢

元年還攻雍遂定三秦五年破楚王羽於垓下追斬於

東城天下始定春正月楚王韓信等請尊為皇帝二月

即位於定陶汜水之陽都長安十二年崩於長樂宮年

六十二初納呂公之女謂之高皇后生太子盈代立

漢十二帝高祖一惠帝二高后三文帝四景帝五武帝六昭帝七宣帝八元帝九成帝十哀帝十一平帝十二

王莽立孺子嬰居攝三年篡位十五年更始立二年皇甫謐曰自高帝元年更始二年凡得二百二十年

後漢帝王世紀曰光武皇帝出自景帝也

欽定四庫全書

御定詞林典故 卷四十

欽生名秀宇文叔更始元年為偏將軍破王邑殺王尋

誅王郎更始二年立為蕭王建武元年四月更始降赤

眉六月光武即帝位於常山鄆之陽千秋亭都洛陽在

位三十三年中元二年二月崩於洛陽南宮年六十二

太子莊代立是為孝明皇帝袁山松後漢書曰明帝諱

陽一名莊字子麗按後漢書十二帝光武一明帝二章

冲帝八賢帝九桓帝十靈帝十一獻帝十二皇甫謐云自漢元年至更始二年凡二百一十二年自居攝元年

至更始二年凡十八年自建武元年至延康元年凡一百九十五年凡漢前後并諸廢帝及王莽合三十一帝

共四百六十二年

增蜀漢通鑑曰帝名備漢景帝子中山靖

王之後獻帝末累官至益州牧曹丕篡漢遂正位於成

都在位三年改元章武壽六十二子禪嗣立是為後主在位四十一年為魏

所滅二帝合原魏德帝王世紀曰魏曹姓也武皇帝

諱操字孟德漢建安二十四年進爵為魏王改二十五

年為延康元年春正月崩於洛陽年六十六太子丕代

立是為文皇帝其年冬十月受漢禪改延康元年曰黃

初都洛陽黃初七年崩年四十皇崩諡云自黃初元年至禪晉之歲凡五帝合

欽定四庫全書御定通鑑輯覽卷四十五

四十五年文帝一明帝二廢帝齊增吳姓孫氏名權

王三廢帝高貴鄉公四元帝五長沙太守堅次子也堅起兵討董卓入洛陽修諸陵寢

長子策據江東謀襲許以迎漢帝權藉父兄餘烈屈事

曹魏丕封為吳王後乃稱帝都建業在位三十一年壽

七十一按三國志自吳大帝至帝皓凡四帝合五十九年為晉所滅大帝一帝亮二景帝三帝皓四

原晉德金書曰武皇帝諱吳字安世河內溫縣人姓

司馬氏太始元年升壇受禪禮畢即位洛陽宮追尊宣

王為宣皇帝武帝景王為景皇帝武帝父文王為文皇帝

武帝太熙元年崩年五十五立二十六年太子衷嗣是為惠帝按晉書自武帝至

恭帝凡一十五帝合一百六十五年禪於衷也武帝至惠帝二懷帝三愍帝四以上西朝都洛陽元帝五明帝

六成帝七康帝八穆帝九哀帝十廢帝十一簡文帝十

二孝武帝十三安帝十四恭帝十五以上東朝都建業

今潤州江寧縣是也增宋文獻通考曰高祖武皇帝彭城綏興

里人姓劉氏名裕以庚申受晉禪即位改元永初時年

五十七在位三年壬戌崩壽六十按宋書自高祖至順

禪於齊也高祖一少帝二文帝三孝武帝四前廢帝五明帝六後廢帝七順帝八俱建業齊文

獻通考曰高帝東海蘭陵郡人姓蕭名道成以己未歲

欽定四庫全書御定通鑑輯覽卷四十五

受宋禪改元建元時年五十二在位四年壬戌崩壽五

十六按齊書自高帝至和帝凡六帝合二十二年禪於梁也高帝一武帝二廢帝三明帝四廢帝五和帝

六梁文獻通考曰武帝南蘭陵中都人姓蕭名衍以

壬午歲受齊禪改元天監時年三十五在位四十八年

已巳崩壽八十六按梁書自武帝至敬帝凡四帝合五十六年而禪於陳也武帝一簡文帝

二孝元帝三敬帝四梁亂昭明太子統之子名譽奔西

魏立為梁王從江陵稱帝在位七年傳子明帝在位二

十四年明帝傳子帝瑒在位二年簡文帝廢之陳文獻通考曰武帝吳興長

城下若里人姓陳氏名霸先以丁丑受梁禪改元永定

時年五十四在位三年已卯崩壽五十七

按陳書自武帝至後主凡

五帝合三十二年隋滅之武帝一

北朝後魏德文獻

通考曰道武其先世為代北鮮卑君長姓拓跋氏名珪

以丙戌即代王位郊天改元十三年戊戌取燕即帝位

又十二年己酉為拓跋紹所弒壽三十九

按北史自道武帝至恭帝

凡十五帝合一百七十一年道武帝一明元帝二太武帝三文成帝四獻文帝五孝文帝六宣武帝七孝明帝

八孝莊帝九節閔帝十以上建都平城今山西大同府是也孝武帝十一為高歡所迫奔依宇文泰於關中世

為西魏今陝西西安府是也孝靜帝十二帝清河王世子考武既奔關中高歡乃奉靜帝立之建都鄴是為東

欽定四庫全書

御定四庫全書

卷四十一

魏今河南彰德府是也西魏傳孝文帝十三廢帝十四恭帝十五禪於周東魏止孝靜帝一世傳於齊

北齊文獻通考曰文宣帝渤海人姓高氏名洋神武王

歡之次子以庚午受魏禪改元天保在位十年已卯崩

壽三十一

按北史自文宣帝至後主凡五帝合二十八

年為周所滅文宣帝一廢帝二孝昭帝三武

成帝四北周德文獻通考曰考閔帝姓宇文氏名覺

代郡武川人文王泰之長子以丙子受魏禪在位一年

宇文護立其弟毓是

丁丑為晉公護廢而弒之壽十六

為明帝按北史自考

隋火文

閔帝至靜帝凡五帝合二十六年禪於隋也

考閔帝一明帝二武帝三宣帝四靜帝五

獻通考曰文帝弘農華陰人姓楊氏名堅以辛丑受魏

禪改元開皇在位二十四年甲子崩壽六十四

按隋書自文帝

至恭帝凡三帝文帝一煬帝二字文化及弒之唐公

李淵立煬帝之孫隋是為恭帝在位一年即禪於唐

唐德文獻通考曰高祖隴西成紀人姓李氏名淵以丁

丑自太原留守起兵戊寅受隋禪即位改元建都長安

時年五十三在位九年丙戌傳位太宗稱太上皇又十

年乙未崩壽七十一

太宗名世民高祖次子唐有天下欲殺之太宗遂殺建成元吉因傳位焉改元貞觀在位二十三年按唐書自高祖至哀帝凡二十帝合二百九

欽定四庫全書

御定四庫全書

卷四十二

十年禪於梁也高祖一太宗二高宗三太宗四即位三月武后廢為廬陵王後二十二年始復辟在位五年睿

宗五明皇六肅宗七代宗八德宗九順宗十憲宗十一穆宗十二敬宗十三文宗十四武宗十五宣宗十六懿

宗十七僖宗十八昭後梁文獻通考曰太祖宋州碭

山縣人姓朱氏名晃初名溫賜名金忠以丁卯受唐禪

改元即位建都汴梁年五十六在位六年壬申為其子

鄧王友珪所弒年六十一

太祖第四子均王瑒討友珪謀之以蔡西嗣立

年唐兵入汴為其下

後唐文獻通考曰莊宗沙陀人

姓朱邠氏名存勗先世仕唐賜姓李氏父克用以平黃